

Link: <http://www.sarajevo-x.com/vijesti/crna-hronika/ranjene-djevojčice-zivotno-ugrozene-zenica-u-soku/120315089>

"Porodica živjela skladno"

Ranjene djevojčice životno ugrožene, Zenica u šoku

Ljekari Kantonalne bolnice Zenica se bore za živote djevojčica N.P. (17) i E.P. (7) koje je u glavu upucao otac Emil Prusac, nakon čega je izvršio samoubistvo.



Zgrada u kojoj se desio zločin

Porodična tragedija se dogodila u stanu u centru Zenice. Djevojčice su odmah prevezene u Kantonalnu bolnicu i ljekari se bore za njihov život.

"Djevojčice imaju teške tjelesne povrede i životno su ugrožene. Jedna od djevojčica je podvrgnuta operaciji, a druga je na intenzivnoj njezi", saopćeno je iz bolnice.

Nezvanično, Emil u posljednje vrijeme nije imao stalno zaposlenje te je povremeno radio kao moler. Njegova supruga je zdravstvena radnica. Komšije su potvrdile da su supružnici živjeli skladno i da se nije moglo naslutiti da će doći do ovakve tragedije.

Navodno, Emil je supruzi prije zločina poslao poruku. Ona je s posla došla kući i pronašla mrtvog supruga i ranjene kćeri.

Uviđaj u stanu u kojem se desila tragedija koja je potresla Zenicu, ali i cijelu BiH, su obavili krim inspektori MUP-a Zeničko-dobojskog kantona.